



CUMÜN DA SENT



Il mas-chalch da Sent

Publicaziuns officialas. Cumpara segund bsögn.
2012-2014
no. 20

7554 Sent, 22 lügl 2013

FESTA NAZIUNALA 2013

16.00	Plaz	Cumanzamaint da la festa L'ustaria cun mangiativas e bavrondas vain manada da la società da chatschaders "Tardanna"
18.00	Plaz	Trategnimaint culla grupp „Die Arlberger Spitzbuam” per far ün'o tschella trais-cha
20.15	Plaz	Concert da la società da musica Sent
21.00 - 21.15		Sunasoncha
21.00	Tiral	Fö dals 1. avuost
21.15	Plaz	Pled festal davart sar dr. iur. Stephen V. Berti, possessur da plüs ons d'ün'abitaziun in nos cumün Psalm svizzer Bal fin a las 02.00h

Avis: fös dals 1. avuost, fös artificials e petardas

Sco minch'on e tenor tradiziun ardaran eir quist on, a chaschun da la festa naziunala, divers fös sün nossas otezzas. Quai es fich allegraivel e fa dalet ad indigens ed a noss giasts. Ils fös nu daschan però suos-chantar nos ambiaint, uschigliö cuntrafan'al sen da l'üsanza. As basond sülla ledscha chantunala pretend'il Cussagl cumünal da preparar ils fös be cun laina adattada, q.v.d. laina püra, **na trattada chemicamaing, cun culurs, vernischs "Lack", pneus e.o.p.**

Tenor ledscha da pulizia dal cumün da Sent, art. 30 es quai proibì, d'impizzar sülla plazza da festa ed in tuot il cumün da tuottas sorts fös artificials ed ogets explosivs. Ils pumpiers sun autorisats da far las controllas. Eventuals surpassamaints da quist avis vegnan chastiat tenor il reglamaint da multa dal cumün da Sent. **Il cumün prepar'il fö dals 1. avuost our in Tiral.**

Il Cussagl cumünal

NATIONALFEIER 2013

16.00	Plaz	Beginn des Nationalfeier - Festes Die Festwirtschaft wird vom Jägerverein geführt.
18.00	Plaz	Für die musikalische Unterhaltung sorgen: „Die Arlberger Spitzbuam“
20.15	Plaz	Konzert der Musikgesellschaft von Sent
21.00 - 21.15		Glockengeläute
21.00	Tiral	1. August - Feuer , verschiedene Höhenfeuer
21.15	Plaz	Festensprache von Herrn Dr.iur. Stephen V. Berti langjähriger Wohnungsbesitzer in Sent
		Offizieller Abschluss des Festaktes mit dem Schweizer Psalm
		Tanz bis um 02.00 Uhr

Mitteilung: Feuerwerke

Das Abbrennen von jeglichem Feuerwerk im Dorf und auf dem Festplatz ist, gemäss Polizeigesetz der Gemeinde Sent Art. 30, strengstens verboten.

Gemäss Beschluss des Gemeindevorstandes sind die Angehörigen des Feuerwehrcorps zur Überwachung obiger Vorschriften bevollmächtigt. Nichtbeachtung der Vorschriften kann, gemäss Ordnungsbussenverordnung der Gemeinde Sent, bestraft werden. **In Tiral wird das offizielle**

1. August-Feuer der Gemeinde angezündet.

Der Gemeinderat

Avis

Il termin per pajar l'**imposta a la funtana** pel **prüm mez on** es scroudà als **30 gün 2013**. Nus giavüschain a tuots da far giò quint cul cumün fin il plü tard als **31 lügl 2013**.

Formulars, tariffas etc. as poja retrar pro la cancellaria cumünala.

Uffizi d'impostas cumünal

Da vender parzella

Da vender parzella no. 534 a Tuols cun üna surfatscha da 848 m². Predsch sün dumonda. Interessents dessan s'annunzchar pro Giachen C. Reinalter, tel. 079 633 16 18.

Giachen C. Reinalter

Da dar a fit a Sent

Da dar a fit tenor cunvegna ün' abitaziun da 5 ½ stanzas (Maisonette) sün duos plans cun duos bogns, gronda lobgia, üert e garascha. Cunadöver da la chadafö da lavar.

Annunzchas pro Anna Valentin, tel. 081 921 25 63 opür suot christian.roner@hotmail.com

Anna Valentin

Open Air a L'En / Scuol

Dals 09 avuost 2013 fin als 11 avuost 2013 ha lö l'Open Air a L'En a Pradella, Scuol. Schabain chi's tratta d'ün'occurrenza da nos cumün vaschin nun ais quai exclus, cha tuot tenor il vent as doda la musica fin al cumanzamaint da nos cumün (reclamaziuns da l'on passà). Quatras lessna appellar als pertocs da laschar regner l'incletta adequata a regard ev. disturbis. Grazia fich!

Sent Turissem/Cussagl cumünal

Orientaziuns a regard la revisiun da la planisaziun cumünala

La documainta ais previsa d'inoltrar quista stà al Chantun pella preexaminaziun.

Pella d'ürada da procedura es da quintar:

- per la preexaminaziun dal chantun 4-6 mais
- per la preparaziun davu la preex. per pudair preschantar a la radunanza 1 - 2 mais
- davopro as poja suottametter tuot il paket da planisaziun a la radunanza.

Quista procedura da partecipaziun (Mitwirkungsverfahren) d'ürarà 1 mais.
D'ürant quel gnaran salvadas probabelmaing 2 radunanzas cun preschantaziun in detagl, cun discussiun e culla pussibilità da far amo novas propostas.

Il cussagl tratterà las novas propostas ed intimaziuns per pudair preparar la documainta chi riva lura davant la votumaziun d'urna.

Davu il temp da protesta sto il Chantun amo far bun la revisiun da la planisaziun.

Davu as poja inchaminar vi da la realisaziun e davopro cuntinuar cun plans da proget o cun plans da quartier.

I'l plan da zonas ed i'l plan general da fuormaziun ha il cussagl e la cumischiun pudü integrar seguaints intents:
- Sper la zona d'indigens modificada sü Flüs e Sur En, as haja pudü integrar üna nouva zona d'indigens in Palüzot.

- Qua vaina survgni in scrit las confermas dals proprietaris per pudair cumprar per 90.-/m² sco fingià previs a Flüs. In quistas trais zonas es quai pussibel, tenor charta dal Chantun da zonar aint max.7000 m². In quistas trais zonas es quai pussibel da realisar ca.17 chasas per indigens.

Hoz vaina illa zona da fabrica üna reserva da ca. 3.7 ha terrain na surfabrichà.

La zona da fabrica es hoz surfabrichada cun 83 %.

Zonas da mansteranza:

1. La zona da mansteranza Pozzet part sura es üna zona cumünala be per indigens. Id es previs d'abolir l'otezza limitada e far ün plan da quartier. Uschè dvainta quista zona realisabla ed id es lö per 3-4 unitats.
2. La z. da m.- Chanals vaina laschà integrà i'l plan directiv regional.
Pel mumaint eschna vi da las trattativs culs proprietaris.
3. Pro la z. da m.- Parnarsura stuvaina, tenor decisiun da la regenza, decider quist on per üna da las seguaintas variantas.
Var. 1 eliminar la z. da m., o
var. 2 mantgnair quella zona cun l'oblig da recumbensaziun da puncts. Quel dovair es d'accumplir pervi cha quella surfatscha da la z. da m. nu gnia inverdida. Üna recumbensaziun da puncts gniss in dumona cun, per exaimpel
s-chaffir novs pas-chs o prada sütta.

I'l center da cumün es previsa üna zona da parcar publica suotterrana i'ls contuorns da Curtinaglias. Quai pervi chi' d es gnü constatà ün tschert bsögn ed id es da pensar eir vi da las prosmas generaziuns. I nun es previs pel mumaint d'iniziar ün proget.

Zona d'hotels nun exist'ingüna. Nus vain però decis da far prüms sclerimaints cul Chantun, ingiò chi füss pussibel da realisar hotels in vicinanza dal cumün.

I'ls plans da preparaziun dal terrain sun registradas tuot las vias e sendas. Quellas sun illustradas culs differents adövers specialamaing culs differents sports.

Tanter oter ha il Cussagl decis, d'integrar eir alchüns progets novs sco per exaimpel sendas da chaminar d'instà o eir d'inviern o per exaimpel il trassè per gianellas e la via da pattins.

I'l plan da provedimaint ed allontamaint es integrada la situaziun actuala da lingias d'aua, da chnalisazin, d'aua persa e d'electric.

I'l rapport da cooperaziun "Mitwirkungbericht" es declerà tuot ed eir motivà.

Conclusivmaing es da manzunar, ch'eir la ledscha da fabrica es üna part importanta da la revisiun da la planisaziun.

Il plü grond müdamaint es statta la surelavuraziun culla ledscha davart la planisaziun dal territori dal chantun Grischun KRG (LPTGR) ed la KRVO ordinaziun davart la planisaziun dal territori per il chantun Grischun.

Tanter oter sun gnüts surelavurats artichels per lobjias, per implants solars e fotovoltaics ed oter plü.

Il schef da planisaziun

D. Jann